

9 Ada wil lühoigiaguntk gish ga na algiaksh Jeremiah ga prophet ga, ash ga houit ga, Adat wil doksh ga gwilit ga wil giapsh ga gabiēm dāla ga, na giukshish ga nat washit ga, gū na wash dash ga klthgūsh Israel ga;

10 Adat na giugat gish ga zāzushk gish ga hūksanaulthit ga, niwālt ga n't wila haizumgai ga Miyān ga.

11 Ada haik gish Jesus gish ga hazāklth gish ga governor ga: adat gūadakt ga governor ga, ash ga houit ga, Nūguni gwulth king gulth Jews? Ada housh Jesus gish niāt, Da ma yunt.

12 Ada lthat libilt houit gut ga manpriests ga diltsh tashilgiat ga, ada althga gau za dilamak gut.

13 Ada wil housh Pilate gish niāt, Alth ma naknō shgabō gau magauishk ga di dā gwani?

14 Althga ligi güel za wil dilamak gut, gunt shimgul lūshānāltk gut ga governor ga.

15 Wai ltha nīnīsh ga hali-lūalgiat ga wil gup wila wāsh ga governor gut ksha'āklthinsh ga gault gut didaklthit gish ga giat ga, lit lip nā gū hashakt di ga.

16 Ada al lūdāsh ga gault ga tkawilait ga didaklthit ga, wāt gish Barabbas.

17 Ada ltha shagait goudit ga, ada wil housh Pilate gish dupniāt, Nā hashak shim dum ksha'āklthinū dā gwashim? Barabbas, lit Jesus gū shūwāt ga diltsh Christ?

18 Awilt wilaish ga gishgeshkum gagaud gat gunt wilāgwut ga.

19 Ada ashī dhāt gish ga wil dhām-dapt ga, ada haizumshish ga naksht gish niāt, ash ga houit ga, Gilau za gaulth wān a ūma yōta awāt: āwil lūhāk gagaudū da wi sha a wila kshawogou ash niāda gun honyūt.

20 Ada alt shagagauk gish ga manpriests ga diltsh tashilgiat ga, ash ga dumt gwanōsh Barabbas, ada dum al zaqushish Jesus ga.

21 Ada dilamak gish ga governor ga, ada houit gish dupniāt, Yagai n'dāda dupkadōl dadā gū hashak shim n'dum ksha'āklthin dadā gwashim? Ada houit ga, T'Barabbas.

22 Ada housh Pilate gish dupniāt, Gaulthin dum al wilāgwush Jesus gū shūwāt ga daltsh Christ? Ada housh ga tkāniāt ga, Am dum zaqusha dadā lak guzāgut.

23 Ada houit ga, Gaulth hadak gulth wāl dadā? ada yagai zūsh ga wiam-lahoudat ga, ash ga houit ga, Am lizaqusha dadā lak guzāgut.

24 Ada lthat nīst gut Pilate ga althga gaulth da'āklthk gut, yagai ūm hashhosh gaga, ada wilt gāsh ga aksh ga, adat yoiyuksh ga ga'anont gish hazazāklth gish ga giat ga, ash ga houit ga, Althga hadak gi a na ilthē ama giat a gwa; shim nīth.

25 Ada dilamak gish ga tkānīsh ga giat ga, ada houit ga, Amsh nūgum dum wil līdoultha na ilthēa dit, diltsh na gāklthgū'umt.

26 Ada wilt ksha'āklthinsh Barabbas gish dupniāt: adat wunazuksh Jesus ga, adat ginamt gish ga dum wil lizaqushit gish ga lak guzāk ga.

27 Ada wilt gut ga na soldiers gish ga governor ga t'Jesus ga adat dagaudit gish ga zum wī wālp ga, adat shagait ya'unsh ga tkānīsh ga wilnadals ga soldiers gish ga awāt ga.

28 Adat zakau'unt ga, adat hoiyīnsh ga meshgum wash ga gish niāt.

29 Adat kaundash ga shakaidum shgun gashāshukt ga, adat hoiyint gish ga dumgousht ga, adat shinyāōnsh ga dōnāqu gish ga nakshimyaōnt ga; ada klthumgulgaishūk gut